

24 к.



А. МЕФАЕВ
**СААРЬ
ЕЛЛЕРИ**



А.МЕФАЕВ

**СААРЬ
ЕЛЛЕРИ**

Б. Ширлер

(Шиирлер)

ГЪАФУР ГЪУЛАМ АДИНА
ЭДЕБИЯТ ВЕ САНЪАТ НЕШРИЯТЫ

ТАШКЕНТ — 1975

Л.Б.
Зайнзиева.

С
М 46

ЛЕНИНГЕ

Эсимде: бинъ докъуз юз йигирми дёртте
къарлы боран уфюрген бир кыш эди.
Бир кунъ акъшам гъамлы келип бабам иштен:
— Эшитинъиз бұзим Ленин ольген,— деди.

...Йыллар отти, лякин о кыш эсте къалды.
Миллионларнен мен де Ленин хатресини
юрегимнинъ тёрюне терен салдым,
сезип даим онынъ рух ве нефесини.

Инд $\frac{70403-115}{332 (06)-75}$ 146—75

© Гъафур Гъулам адына Эдебият ве санъат
нешрияты 1975 с.

ЛЕНИН ЕЛУНЕН

Кениш зал. Юзлернен эмердар кишилер:
Къуруджы, колхозджы, оджалар, ишчилер...
Бир нефес, бир джаннен кинофильм көремиз,
Юртумнынъ кечирген изинден юремиз...
Янымда отургъан бир эсли къарт бабай
Экрангъа бакъаракъ ислердир хатырлай.
Явлугъын чыкъара, манълайын сюрте о;
Козъ алмай экрандан ислердир беклей о...
Кадрда Ильичининъ сымасы джанлана,
Къарт бирден рухлана, козылери нурлана.
Эшитем кепъ залда эеджан сеслери.
— Ленини!— деп юкселе юреклер ислери...
Мына биз къыркъ-къыркъ беш яшына
кельгенлер
ДнепроГЭС, ХТЗ, ЧТЗ, Магнитка,
Колхозлар тикленген кунълери корьгенлер
Яшларгъа гъурурнен деймиз:— Биль аркъадаш,
Бешйыллыкъларгъа биз эдик чынъ ёлдаш.
Комсомол ёлланма бергенде къолларгъа
Биз чыкътыкъ ач, чыплакъ койлерден ёлларгъа,

Янъылыкъ къурмагъа; рабфаклар, ВУЗларгъа
Енедик гъайретнен илим-фен алмагъа.
Зорлукътан къоркъмады энгузнаст акъранлар,
Тикледик заводлар, портлар, бузкъыранлар.
Енедик тайпынмай Лениннинъ ёлунен,—
Рулимиз бурулды партия къолунен...
Бакъ, шимди шанымыз фезагъа юксельди,
Лениннен осьтик биз, Лениннен юзь кульди.
...Сеанстан сонъ къартнен чыкътым мен
сокъакъкъа,

Къарт кулип, гъурурнен къарады эр якъкъа.
Деди о:— Фильмнинъ эр кадры акъикъат,
Пек къолай кельмедн бизлерге бу аят.
Эльбетте, бу ильчюн чалышмакъ лязимдир,—
Аначюн къайгъырмакъ мукъаддес язындыр!

ЛЕНИН ВЕ ГОЭЛРО

Эр кеске таныш бир ресим:
«ГОЭЛРО» картасы, огюнде Ленин —
ачыкъ манълай, ойчан чересси,
белине тиреген ссд элнн...

Нелер ойлана,
нелер башыны ёра?
Онынъ саф юреги халкъ ичюн ура,
онынъ огюнде иль саадети тура,
бунынъичюн о нидже планлар къура.

Эй, улу, дай —
эй, буюк адам,
корьсенъ де насыл нурлу бизим омюр!
Сен косътерген ёлнен
эп огге кетемиз —
оламыз даима джиангъа унер.

КОММУНИСТ

Сени козьлеринъден таныйым мен —
ининъде, омюринъде унерсинъ, корем.
Улу Лениннинъ сёзмез рухунен
ашлангъан сенинъ юрегинъ, билем.

Билем революция танъында
джебэлерде тельчеленди шинелинъ,
юкселюв бешйыллыкъларында
Янъы аят къурмакъ эди тилегинъ.

Сенинъ косътеришинъле озенлер токътаттыкъ,
— Кучюнъни халкъ ичюн къытмай бер сен, —
деп

Сибирь, Къзахастан къыртышын уянттыкъ,
Кечсин деп барышыкъта омрюмиз гурълеп.

Ильки биз башладыкъ фезагъа ёлны —
Ватаным шерефли кучъ — къудрети иле,
эмекдар халкъкъа узаттынъ къолны
Енъишлер чокълаша эмелинъ иле.

«ПРАВДА»НЫ ОКЪУП...

«ПРАВДА»нын чин акыйкат сөзлери
давет эге егнншлерге бизлерин.
Къандыра о буюк Ильич рухунен,
айдынлата кунюмизни нурунен.

Эр кунь саба газетаны ачсам мен
субетлешем партиямнен, халкымнен.
Партиянен башлай эр бир ишимиз,
онен яшай алм, чобан, ишчимиз.

Эр санфеси, сатырында акыйкат,
эм алевли, джанлы, ольмез тешвикъат.
Одыр тувган партиямнын минбери,
онын сёзю, чагырувы, унери.

Партиянын чин акыйкат сөзлери
коммунизм кзурув ичюн чагыра.
Егнншлерге рухландырып бизлерин
«ПРАВДА»нын откюр сеси янгырай.

УЛУ ОКТАБРЬ

Эй, Улу Октябрь,
яшдашын меним —
о кузьде мен де дюньягъа кельдим,
Эй, Улу Октябрь,
сырдашын меним —
сениннен севиндим,
сениннен кульдим.

Сениннен фуртуна,
боранлар кечтик,
сениннен шанымыз фезагъа чыкты.
Сениннен душманны ве достны сечтик —
сениннен фашизм зульметин йыктыкъ.

Ильичнин котерген байрагъы эмез,
оны та семагъа котердик бизлер.
Октябрь нурлары эбедий сөнмез,
оныннен ярыктыр миллионлап юзьлер.
Эй, Улу Октябрь,
о куньден башлап сениннен егнншли

ёллардан аштыкъ,
сенинънен шадланьп,
къувандыкъ, кульдик.
Гопъюллер сенинънен бахт толып ташты.

МАЯКОВСКИЙНИНЪ ХАТРАСЫНА

Яшындай кельдинъ сен,
айдынлыкъ сачьп,
бу улу йылларнынъ
кучюнден шаир.

Лирамны ягъмурдай
тазертп оттинъ,
рухландынъ даима
кунюнден, шаир.

Дагъларнынъ адети —
Бааръ феслинде
юкселир,

гуръленир,

ильваны артар.

Кечсе де сенелер
санъа эр даим
халкъымдан урьмет бар,
исиминъ намдар.

Корюштим мен сенин
бу улу ёлда,

шинристан ёлунда
нур тапкъан киби.
Китабынъ тюшерми
несиллер къолундан
федакяр эльдеки
бир къалкъан киби.
Бакъ бугунъ

дженкявер,
къызыл томларынъ.

Сеферде,

тезьяда

ягълы эллерде —

тскрар этесинъ давет

миллионларны

ярынки улу иш,

хош эмеллерге,

ЭЛЛИ ЯШЫНЪ МУБАРЕК

Элли яшынъ мубарек,
Меним совет Ватаным!
Шанлы байрамынъ куню
сени къутлай, макътайым.

Октябрьден нур алып,
Октябрьнен осьтик биз;
Октябрьден кучъ алып,
фезагъа ильк эттик биз.
Озенлерге сед чектик,
къыртышларны сёктик биз.
Сахраларны ешерттик,
ач чёллерни эттик биз.
Ильге кирген душманны
ернен эксан эттик биз.
Илим ве фен кучюнен
Чолпангъа да эттик биз.
Чолпан йылдыз ве Айда
герблеримиз парылдай —

чешит халкълар джнанда
Ватанымны хайырлай.
Эллияшынъ мубарек,
меним шаплы Ватаным,
улу байрамынъ куню
сени дильдси макътайым.
Элли яшынъ мубарек
нурлу Улу Октябрь!
Сенинъ шан-шерефинъни
шинирде этем табирь.

АЛТЫН ЭЛЛЕР

Саба турсам радиодан
янъылыкълар беклейим мен.
Энъ эвеля бет ювмаздан
сонъ хаберлер динълейим мен.
Бу кунълернинъ энъ атешин
джебэсинде нелер ола?
Гъайрет, эмек нешъссинен
памукъ джююв насыл тола?
Кимлер бугунъ огде экен?
Къайсы область кърван башы?
Бакъ, Андижан озып кеткен,
билек тиреп къарты, яшы!
Биз памукъкъа алтын, деймиз —
Дегерлидир шай десек де.
Онен ильни шерефлеймиз,
о байлыкътыр мемлекетке.
Бакъ, тарлалар куньдюз-гедже
моторларнен гюрюльдейлер.
Эрте танъдан кунъ къонгъандже
Памукъчылар эринмейлер.

Бу йыл достлар беш миллион
тонна памукъ берсек Ильге,
олур бизим ишимиз онъ,
къуванч толар шадлы дильге.
Алтын эллер,
алтын эллер!
Алгыш сизге, алтын эллер!
Сизчюн дестеленди гуллер,
«алтын» джыйгъан алтын эллер!

ВАТАН СЕННЕН, ТАШКЕНТ

(Зельзеле куньлеринде)

Кедерленме, язма асла,
къадим Ташкент,
титретти деп темелинъин
бу фелякет.
Чыдарым, деп, билек, тире,
ант-смин эт,
биль ки, Ташкент, улу Ватан
сеннен, эльбет.

Юксель кене, гурьле текрар,
гузель Ташкент,
эвлядларынъ сени эте
огге давет.
Санъа ярдым-эль узатты
нидже миллет,
эмин ол сен, улу Ватан
сеннен, эльбет!

БИЗ ДЖЕНККЕ КЪАРШЫМЫЗ

Биз дженкке къаршымыз,
тынч олсун башымыз,
бол олсун ашымыз,
ойнасын эм кульсин
къартымыз, яшымыз.

Биз дженкке къаршымыз,
къартымыз, яшымыз,
топракъ ве ташымыз —
бир къалмай эпимиз,
биз дженкке къаршымыз.

Биз дженкке къаршымыз,
«Тынчлыкъ» — дей халкъымыз.
Коммунизм къурамыз,
адалетюн турамыз,
биз дженкке къаршымыз!

ӨТЕ ЙЫЛЛАР...

Оте йыллар,
къыравлана сия сачлар.
Ич де эстен чыкъмайлар
он едиде сьпыреген
ал къумачлар.

Оте йыллар,
кучюмизге кучъ къатыла,
аят исе токътав бильмей —
несиль кече,
сонъра даа несиль келе,
Октябрьнинъ айдын нуру
ич эксильмей.

Оте йыллар,
Улу Ватан эп гуллене,
халкъымызнынъ
ирадеси, къудретинен
социализм мемлекети шерефлене,
чюнки бизим тёпемизде

Октябрьде шуретленген
эгиймейджек ал байракълар
кольгеси бар,
чюнки Улу Октябрыннгъ
несиллерге нур кетирген
шавлеси бар!

ИСТЕГИМ

Достлар манъа шойле суаль берселер,
— Янъы йылда не истейсинъ?— деселер.
Мен дер эдим:
— Къавгъа-дава олмасын.
Мен дер эдим:
— Дженкке нч ёл къалмасын.
Мен дер эдим:
— Кульсин къувнакъ сабийлер.
Боллыкъ олсун, байлыкъ олсун,— дер эдим.
— Бахт чокъ олсун, сагълыкъ олсун,— дер эдим.

Достлар ичюн донатылса мезелер:
— Янъы йылда не истейсинъ?— деселер.
Мен дер эдим:
— Къатмер гуллер чокъ олсун.
Мен дер эдим:
— Къанлы дженклер ёкъ олсун.
Мен дер эдим:
— Кулькю олсун юзьлерде.

Мен дер эдим:

— Тюркю олсун диллерде.

Муаббетлик, дост-эш олсун,— дер эдим.

— Танълар олсун, кунеш олсун,— дер эдим.

О С Е М И З

1

Бабам дерди:

— Биз койлюге не керек?

Бир черик ер,

бир ат, сабан,

бель курек.

Лякин, огълум,

не япмалы,

чаре ёкъ.

Бу шейлерден

ич бириси

бизде ёкъ...

2

Къардашым дей:

— Чапа, кетмен, бель курек

асла бизге не керек.

Къотыр тай да,

бир туренли сабан да

асла бизге кереги ёкъ,
олсун эрек!
Агрегатлар машиналар,
иште бизге бу керек.

3

Огълум дер ки:
Бу балабан машиналар
не керек.
Олсун автоматика,
химия, кибернетика!
Олсун электроника —
иште бизге бу керек!
Бу онъайтлы,
эм акъыллы алетлер
бизни беслер,
раат этер, айбетлер!

ЮРЕК ЯШ

Сачлар чаларды,
лякин юрек яш,
эгме башынъны,
шаир аркъадаш!
Сен комсомол шаприсинъ унутма,
къартайдым деп,
озь гонълюнъни ынджитма!

Ал къалемнинъни,
къалтыраса да эллер,
букюльмесин комсомолда
пишкинлешкен беллер!
Такъ козьлюгинъни
эгер ёрулгъан олса козьлер,
комсомол девириндеки кибѣ
янгырасын сёзлер!

Къартсынъ, алынъ белли,—
деселер ич къанма,
яшлыкъ девраплар

оттилер деп яяма.
Урсун коксюнде
текрап комсомол юреги,
куреш —
енъишининъ ёкътыр
сонъу-эреги!

КОМСОМОЛЪА КИРДИМ

Бир кунъ мен комсомолъа кирдим,
Кимдендир, буны битам бильген.
Кечти афталар.
Лаф-сёз ёкъ,
Гуя юрегини недир дельген.

...Йыллар кечти.
Етекледди мени комсомол
омюр ёлундан,
деди:
Окъу, орьнек ол!
Эр шей кельсин
сенинъ чебер къолунъдан!

Бир кунъ анам манъа дей:
Битанъ сеннен юректен гъурурлана.
Тыпкъы озъ эмджесидай
торуны комсомол олды
деп макътана,

Отуз бирде, комсомол,
Шайтип кирдим сафынъа,
сеннен таптым кениш ёл,
кёулакъ салдым
эр сёзюнъе, лафынъа.

БИР ДЖЕНҚЧИ АҚЪКЪЫНДА БАЛЛАДА

Биз бала эдик.
Берабер осьтик.
Рефат эди достумнынъ ады —
бир адий оджанынъ
топгъыч эвляды.
Балалыкъ.
Мектеп.
Рушен осьмюрлик,
акъылдан чыкъармы олар омюрлик.
Сонъра айырылды талнийлер, ёллар,
арадан кечти чокъ айлар, йыллар.
...Бир кунъ почтальон
берди мектюп элимс —
достум тюшти эсимс.
Эх, Рефат, Рефат,
меним акъраным —
сыныфдашым, достум, тувгъаным.
Ресмининъ ёллагъан Нева боюндан,
менимчюн махсус гузель союндан.
Биз мектюплештик,

кечти куньлер, айлар,
отип кетти бир талайлар.
О яза текрар:
«Бильсенъ эгер дейим,
мында бир линия бар,
онынъ ады «Манперсейм».
Линиясыны кечтик
эшип-тешип,
инан керчек айтам,
чин гоньюльдешим.»
Инандым, инандым,
чюнки билем Рсфатны.
Тутса якъадан асла бошатмаз,
ялан сёз ич айтмаз.

Фин дженки битти.
Чокъ айлар отти.
Бир кунъ алдым
къуванч мектюбини.
Севинип яза юрек «дертини»
«Достум, келирсинъ
кузьде тоюм бар,
Эсмада, билесинъ,
чокътан козюм бар.
Уруштыкъ йигитче,
санъа деп айтам,
Дженкиннъ де сонъу бар,
учъ айдан къайтам...»
Лякин кечмеди арасы эрек,
фашист ачты дженк —

Урушмакъ керек.
Танк дивизиясы
джёнеди гъарпкъа,
къанлы дженклерде
чекильмеди арткъа...
Белорус чёллерини
таптады танклар,
сыкъты юругъыны
чин къардаш халкълар
Рус, латыш, узбек
эм де татарлар —
кериге дёнмеди
бирдем батырлар.
Рсфат да гъарпкъа
чевирди танкини
тез битирейим деп,
адалет дженкини...
Сыкъып тишлерини
душманны къувды —
Эльба сувуна да
юзюни ювды.
Деди:— Сен бекле,
гузелим, Эсмам,
меним бир данем,
шырныкълы ёсмам!

Дёрт йылдан сонъра,
бир алтын кузьде
кельдим мен тойгъа
къайтмадым сёзден.

Дедим мен санъа
бахшыш кетирдим,
мына дёрт йыл эвель
чагырткъан мектебинъ.
О мени къучакълап,
коксюне басты —
орден, медаллери
тениме батты.

ДЖЕСЮР БИР ЯШ ЭДИ...

Гъает джесюр бир яш эди,
баштан урулды.
Германия чёллеринде
къалды мезары...
Сонъ пefесте:
— Достум, мени унутма,— деди.
Мен инъледим,
чектим онынъ ан-зарыны.

Сол джебинге ишмар этти,
алдым дефтерин —
корьдим онынъ сёняткъан
монъли козьлерин.
Джебэ отти дешетленип,
кегги плери.
Юрегиме къалды синъип,
сонъки сёзлери.

Бир тынышлыкъ токътагъанда
ачтым дефтерин,

эки ресим тюшти ондан!
бир кыыз эсмери,
бир де шайлы эм мулайым
татар къадыны...
Таталмагъан джебедешим
севги дадыны.

Ресимлерин йыллар бою
джоймай сакъладым.
Бир бахтлы тесадуфке
умит багъладым.
...Йыллар отти.
бир межлисте
отъмишни анъдыкъ —
бу куньлерге сталмагъан
достларгъа яндыкъ.
Мен альбомдан
ресимлерин элиме алдым,—
бир къадынынъ теляшына
айретте къалдым.

— Агъа,— деди, ресимлерин
къайдан алдыңыз?
Сыр олмаса, манъа буну
тездже айтыңыз.
Отъкенлерин сыйлеп бердим,
торланды козьлер.
Къадын бираз кедерленди,
тапмады сёзлер.
Чин юректен бала киби

манъа ялварды.
Истеди о ресимлерини,
явлукъкъа сарды.

Мен борджымнынъ эдасына
гъает севиндим:
— Эльбет, эльбет, бу ресимлер
сенинъдир,— дедим.

...Иште бойле, къадын тапты
гъайып севгисин —
о инълемей, айтынъ манъа,
кимлер инълесин!
Гъает джесюр бир яш эди,
баштан урулды.
Ят, эджнебий иллеринде
козьлер юмулды...

БИЗИМ АМЕТХАН

Нестеров,
Қоккинақи,
Чкалов —
бу адлар эпимизге малюм...
Аметхан Султан
белли қартап о,—
Ордумызда алды талим.
Эйкели оғюнде баш эгдим
Алупкада —
тынч бир мааллесе.
Бизим ақъраымыз эди,
эм яшдаш эди аллелем.

Кокнинъ сыры терен,
оны тек батырлар ача.
Тюшюмде учып
юргенимни корем,
сескенип зевкъындан козь ачам.
Учмакъ!
Не буюк аджайип иш бу!

Кокте де из чекмек,
Ватан шуретини шерсф-шан иле
юксеклерге котермек!
Кок джесюрлерни севе —
къоркъу бильмезлерге мскян о.
Тек батырлар оны сезе,
бу сезги дюньяде екяне.
Аметхан, гъурурым,
Қъараманым,
эвалла сенинъ
шанлы къанатларынъа!
Ал, санъа бахшыштыр бу йырым,
санъа ве сафдашларынъа!

Сен котерильгенде
титреди душман,
эшитип адынъны
тутулды нефеси.
Кокте расткельгенине
этти бинъ пешман,
алдынъда тиз чёкти...
Екътыр чареси
Қичик халкънынъ
буюк огълусынъ,
бинъ рахмет догъургъан ананъа!
Тек бизим дегиль,
Мемлекетке гъурурсынъ —
шан-шерефлер олсун,
Аметхан санъа!

ДОСТУМ ЭДИНЪ

Улу Ватан дженкинде эляк олгъап
сыныфдашым Сувут Ислямовкъа

ШКМ — де окъудыкъ берабер,
достум эдинъ джадан-юректен.
Кельди бир кунъ яныкълы хабер,
«Ольдю» — деген мектюп эректен.

Дженк бу,
истей озюне къурбан, —
кениш чёллер мезар толды.
Нидже ана,
Нидже баба
Нидже эелят куньсиз солды.

Мына бугунъ
бааръ куньлерин
сен тыштинъ эсиме,
аскер достум.
Адынъ сакълы къалды гонгюльде,
лякин озюнь
янымда ёкъсынъ.

Ойланам, сенинъ де
яренъ къалгъандыр
янагъындан сюртюп адджы козьяшын,
тувгъанларынъ иле о да аныгъандыр,
сен эдинъ
акъраным ве сырдашым.

Мезарынъа гульдесте къояр эдим.
эгер билъсем яткъан еринъин.
«Мсраба» деп кулер юзюнъле,
Достча узатырдынъ элинъин.

Бахшыш берген ресиминъ менде ёкъ,
фелякетте джойдым мен оны.
Хатренъе юрегимде урьмет чокъ,
джан досттан
вазгечмек олурмы?

Биз бугунъ
яхшы омюр къурамыз,
адымлаймыз данн илери.
Барышыкъны
къавий сакълап турамыз
кельместин деп,
къайгъы куньлерин.

ЕЛ КОРЮНЕ, ДЕДИЛЕР...

Тонгычыым, эм кенджем,
бир данем меним,
яктында мектюбингын
манъа бердилер.

Севиндим, фильджаннынъ
дельбесин сечтим —

«Ел корюне, эльбетте,
онъа», — дедилер.

Эмиш о къавенинъ
къара дельбесин

манъа ич де ялан
айтмагъан экен...

Эх, нидже йнгитлер
кетти джебэге —

олардан ниджелер
къайтмагъан экен?

Мен сени о вакъыт
эвде бекледим —
оджакъта атешим

сѣнмеди асла.
Кольмегингын темиз
ювып букледим,
къапыны ялмагъа
кѣнмедим асла...

Санъа ёл эльбетте,
корюле экен...
Къавенинъ дельбесин
ялан айтмагъан.
Джебэге гъарпкъа
йнгитлер кеткен,
олардан ниджеси
эвге къайтмагъан.

Ах, нидже къавелер
ичтим сонъра мен,
нидже дельбелерге
тиктим козюмни!
Лякин ёкъ, ёкъ эдинъ
оларда ич сен, —
деялмадым санъа
сонъки сѣзюмни.

Къабирингын билъсейдим
ангн иллерде —
гуллерни дестелеп
устюне къоярдым.
Текрар бакъам мен
дельбелерге,

Не файда?!
Къаарьден сачлар чаларды.

Тонъгычым, эм де кенджем,
меним бир данем,
мектюбинъ сакълыдыр
телли сандыкъта.
Коралмагъаным мен
пек окюнем.
Янсам да, куйсем де
Екъсынъ янымда.

КЪАЛЕМИМ МЕНИМ

Къалемим меним,
юрегим джошкъанда,
кульгенде,
омюрде гузеллик корьгенде,
я да ничюндир
мугъайып юргенде —
тек сен меним сырдашымсынъ,
субетдеш ве ёлдашымсынъ.

Къалемим меним,
серин танъ еллери эскенде,
гонълюме бир сезги тюшкенде,
я да ничюндир
юрек куськенде —
тек сен меним
гонъюльдешимсинъ,
меним достум эм эшимсинъ.

Къалемим меним,
сырларымны сепнен болушем,

йырларымны сеннен улешем,
тек сеннен севинем,
сеннен кулюшем —
Сенсинъ таянчым,
юрскте къуванчым.

Къалемим меним,
Ватаным чагъырса,
сеферлерге сигнал чалынса,
сен меним энъ кучлюю силамсынъ,
достларгъа гонъюльдеш,
душмангъа белясынъ.
Къалемим меним —
такъдирим меним!

В А К Ъ Ы Т

Токъта вакъыт!
Яшлыгъымда бир изин бер,
гонъюль аят сефасынынъ
дадын алсын,
ширин гедже къуджагъында
ширин дюльбер
севдаларнынъ кокрегинде
севги янсын!

Лякин вакъыт токътамады,
отти йыллар —
яшлыкъ отти,
отти бизим гузель девран.
Эльбет, достум,
табиатта бу къанун бар —
вакъыт ичюн ич токътав ёкъ,
отер заман.

Ашыкъларнынъ опюшинде дуолмадан
йылдырымдай бир суратле

кечер бакъыт.
Хасталарнынъ тѣшегинде
ашыкмадан,
аджымадан
акърын-акърын
кечер бакъыт.

ЯЗ, ШАИР!

Яз, шаир сен,
яз шиирлер
эм дестанлар.
Омюрни яз,
кунюньни яз,
девранны яз!
Шиирлерде акс олунсын
чин инсанлар —
юрсктен яз,
дуйгъунен яз,
давранып яз!
Яз, шаир сен,
атеш олсун
эр сатырынъ,
эр бир шиир душман ичюн
къуршун олсун!
Элиндеки сия олсун
батырларнынъ,
Илимизни къорчалайджакъ
къалкъан олсун!

Геджеси яз,
танъларда яз,
саарьде яз —
мензумселер мензиллерге
давет этсин!
Сувукъ кышта,
кускун кузьде,
баарьде яз,
сатырларынъ кутьлелерге
барып етсин!

Кульгенде яз,
куськенде яз,
куреште яз,—
заводда яз,
сеферде яз,
эр иште яз!

Ш А И Р

Шпиристан, мен де сенинъ
дженнетинге эспр тюштим.
Шаплы пльхам джюльдесини
козьлей берип, ишке джоштым.

Мен истейим шпирлерим
заманыма седа олсун,
къаным, джаным, фикирлерим
Ватаныма феда олсун!

ШИИРЛЕРИМ

Шиирлерим,
шиирлерим,
сиз олунъыз къанатларым,
сизде бутюн фикирлерим,
сизнен олсун макъсадларым.

Сизнен хызмет этем Ильге,
сизнен толу эр бир кунюм,
сиз якъынсыз
джангъа-дилъге,
сизге къурбан меним гонълюм.

МАВЫ ТАНЪЛАР

Достлар, достлар,
азмы мавы танълар
кечирдим мен сатырлар устюнде,
музанынъ къанатлы кольгеси
джошкъун юрегиме тюшкенде...

Мавы танълар,
мавы танълар —
зифт къара гедженинъ сонъудыр.
Мавы танълар,
мавы танълар,
шанрлернинъ толуп-ташкъан оюдыр.

Мавы танълардан
догъар къызыл кунеш,—
мавы танълардыр
шанр гонълюне кенъеш.

Мавы танъда дюньягъа кельгеним
эльбет, азмы

мавы танълардан сонъ
кунеш нурун
къуджакълап кульгеним.

...Иште бу гедженинъ
сонъуны да къаршыладым
Мавы танънен.
Мавы танънен башлай бу кунълер
шериф вс шаннен.

ТАШКЕНТ ШИИРЛЕРИ

1. Навоий проспекти

Бу проспект — къадим Ташкентнинъ кузъюси,
Буюклиги, гуя, Навоий эзгиси.

Институт, театр, клуб эм кинолар,
Дюльбер, къоджаман, аджайип биналар,
Теле-къулле тикленген мавы кокке,
Козъ-къулакъ олып якъын ве эрекке,
Гуллер ичинде Навоий эйкеси,
Китап тута шаирининъ сол эли.
Сейир эте о сокъакъта акъкъан омюрни,
Гъурурлана корип мунасиб несиляни.
Чанъ къакъып, вызлы отъкен трамвайлар
Санки бири-бирини къувалайлар.
Троллейбуслар сылджый суръатлы вышылап,
Узун яйларыны электр тешлерге окъалап
Ашыкъа, таша деридай автомобиллер,
Руллерни сыкъа беджерикли эллер.
Танъда эскен серин рузгар ельпирей,—

Анхорнын салкыныны шезрге суйрей.
Бу проспект кьадим Ташкентнин кулькюси,
Юкселиш, осуш эм енншлер кузьгюси.

2. Акъшам устю чыкътым сокъакъ башына

Акъшам устю чыкътым сокъакъ башына,
Кулер юзлн къызлар кельди къаршыма,
Йырлап-къувнап, шенъленирек кеттилер:
Кенъ сокъакъны сеслендирип кеттилер.

Аллеялар, ешил парклар джанланды.
Салкын акъшам кейф-сефасы башланды.
Эр кошеден кулькю келе, йыр келе,
Шенъ садалар мавы кокке юкселе,
Бакъ, батыда, алтын шавле яйдырып,
Кунеш куле сз табакъны анъдырып.
Чинарларнынъ тѣпесини сийпай ель,
Эменлер де санки бизге саллай эль,
Иште, янды мавы неон чыракълар,
Келин киби яраштылар сокъакълар.
Иште, бойле кунлю къызгын иштен сонъ,
Шезрдешлер раатлана, кейф чага.
Эр ким достым, достлар толу сол ве онъ,
Севги-сайгы юреклерни къувната.

Акъшам устю чыкътым сокъакъ башына,
Кулер юзлер бинълеп чыкъты къаршыма.
Юрек осьти, кульди гонъюль, рухландым;
Яш къызларнынъ кулькюсине сукъландым.

3. Комиссарлар эйкели

Къаверенки мермерге санки джан кирген —
Джесюр комиссарлар байракъ котерген.
Эбет олар эди революция берген
Шавленен Ташкентке акъ ёл косьтерген.
Кучъ, ираде сезиле айдын юзьлеринде,
Акъикъат атеши яна отъюр козьлеринде,
Комиссарлар бугунъ кене огге чагыра,—
Олар Октябрь шуретини анъдыра.
Ташкент устюнде нурлы танълар агъара,
Ташкент кенъ адымларнен коммунизмге бара.

ЧАРВАҚЪ ТЕЪССУРАТЛАРЫ

Манзара

Дагълар булутларгъа илишкен,—
Къучакълашкъан, оюшкен киби;
Дерсинъ ки, ерсен кок корюшкен —
Севдалар корюшкен киби...

Дюльбер чинарларнынъ турушы,
Бир-бирине эль берген киби,
(Ничюндир къызгъын юрек урушы
Гузель къыз пешинден юрген киби...)

Бакъ, бакъ, гонълюм, гузель манзара,
Не аджайип дагъларнынъ сефасы!
Бакъ, бакъ, илиссин назаргъа
Мавы дагъларнынъ гузель сабасы.

..Мына Чаткъалнынъ белз сарыгъы
Кенеш нурында инджидай парлай.
Чокътракъ сувунынъ кумюш арыгъы
Юв юзюнгини деп, зорлай да зорлай.

КЪАДИМ ШЕЪР

Медреселер, сырлы къадим мезарлар
хаялымны отьминшлерге чагъыра.
Эр кошеде тарих салгъан ызлар бар,
эр бирини эфсанелер алгъдыра.

Къарт Самаркъанд, чал сачларынъ тюбюнде
сенинъ отькюр козьлерингъини корем мен.
Келеджегинъ даа айдын бу кунъде
сени шадлап мензюмелер орем мен.

Къарт озыбекнинъ кокрегидай чыдамлы
турушынъны еллер, селлер букмеди,
айт, Самаркъанд, талийингъде туфанлы,
афакъанлы санфелер копмеди?

Къайсы чинар салкъынында Улугъбек
сабалары хаял сюрип чай ичти?
Нидже къавгъа корьди башынъ, нидже джеск,
ёлларынъдан нидже керванлар кечти?

Қарт Самарқанд, букюльмеген белинде
тюкенмейджек, девлер киби къует бар.
Айдын нурлы талийинъ озъ элинде
санъа шереф, санъа сайгъы, шурет бар.

Қарт Самарқанд, бугунъ озюнъ яшардынъ,
енъишлерде сенинъ де чокъ иссенъ бар.
Коммунизм къурайткан диярда
теджрибенъ бар, унеринъ бар, ишинъ бар.

СУВ ВЕ НУР

Бизге сув да керек нур да эльбет
Шунынъ ичюн агъыр ишке бельсендик.
Енъишлерге партия эте давет,
Онынънен енъиштеп енъишке биз кельдик.
Бугунъ енъильмез бир анле олып,
Къуджагъынъа топландыкъ, Чарвакъ,
Ярын эвлеримиз нур толып,
Ялтырар юзлеп, бинълеп чыракъ!
Тарлаларгъа сувны бол-бол берирмиз,
Юкселир улькемде берекет номай.
ГЭСлер къурып, биналар тиклермиз,
Тыпч-аман яшармыз куле ве къувнай.

ТАНЪ КЪАРШЫЛАП

Эрте саарь.
Сокъакъларда бир шенълик бар.
Пенджеремден йырлар келе,
гуя баарь руху келе.
Юзлеп къызлар,
юзлеп яшлар —
сынифдашлар, аркъадашлар.
Мейдан бойлап,
танъ къаршылап,
кезинелер ойнап, йырлап.
Дюнъ талсебе,
бугунъ осьмюр —
къучакъ ача янъы омюр.
Орта мектеп битиргенлер
бир-биринен сазлукълаша.
Он йыллы бир кечиргенлер
янъы танънен селямлаша.
Оюн, кулькю, йыр, шамат —
янъы куниниъ танъы ата.
Огъурлы ёл сизге яшлар —
шенъ ве къувнакъ аркъадашлар!

БИЗ ГЪАЙРЕТЛИ ЯШЛАРМЫЗ

Биз гъайретли яшлармыз,
къувнакъ бизим девранлар.
Чечеклене Ватанымыз,
бахтлы урь эвлядлар.

Бизим талмаз элимизнен,
дёне девир дюмени.
Ирадемиз, кучюмизнен,
зийнетлеймиз улькени.

Биз домнада челик тёке,
дагъда маден араймыз.
Къыртышларгъа тюрен чеке,
биз тек огге къараймыз.

Йылдызларгъа эль котерип,
Айгъа нышан ташлаймыз.
Янъы йырнен кунъ отъкерип,
янъы ишлер башлаймыз.

ЯНЪЫ ЙЫЛНЫ ХАЙЫРЛАП...

Достлар, бугунъ безетильген софралар
этрафында Янъы Йылны шадлайыкъ.
Кечкен шанлы гъалебели гуръ йыллар
шерсфленси, снъишлерни ядлайыкъ.

Достлар, алынъ котерильсин къаделер
улу Ватан снъишлери эшкъына.
Буюк макъсад — бу мукъаддес эмеллер —
снъильмейджек коммунизм ташкъыны.

Бахтлы олсун, достлар, Янъы Йылынъыз —
омюринъиз кунъден-кунъге гулленсин!
Толдурынъыз къаделерни, ичинъиз,
байрамынъыз зевкълы олсун, гурълесин!

МЕН ЧЕЛЛЕР ОГЪЛУМАН

Мен чёллер огълуман
къоркъмайым
Онынъ адджы сллеринден,
увулдап отъкенде
Кениш чёллеринден...

Лякин, достлар,
ич унутманъыз
чёллернинъ де
шырныгъы бар:
кенъ, ешилъ килими,
узакъта сагъыны,
салкъын сувлы тыйнагъы бар.

Янъгъызыны бездирмез
авелеп тургъан,
джильвели чёлъ торгъайы бар,
Къышта тизден къарлы,
язда сагъанакълы ягъмурлар
ювгъан чименли тогъайы бар.

Мен чёллер огълуман,
сеем чёллери —
Елькенъни сыйпагъан
серин еллерин.

БАБА ЕЛЬКЕСИ

Бабасынынъ омузына атлангъан
кичик огълан.
Эм де насыл ярашкъан!
Нумайышкъа кете олар зевкъланып,
баба-бала бир-бирине сукъланып.

Бойле шанлы,
Бойле улу байрамлар
Сокъакъларгъа алып чыкъа
Эр кесин
Нидже баба, нидже адам
гъурурисин,
Омузында кездирмекте
Кенджесин.
Омюрлер шай...
Балконымдан сейир этем,
сукъланам,
Факъат яшлыкъ отъкенине
мен янам.
Янма, дейим озь-озюме

Хатырла —
Кечирдинъ сен бойле индже
Шень майлар!
Ал, къолунъа къалеминъин
Яза бер,
Догъсун юрек атешинден
Сатырлар!

ФЕРГЪАНА КЪЫЗЫ

Къапумызнынъ огюнден
эр кунъ кече,
Чокъ къызларнынъ ичинде
оны сечем
Ничюн бильмем
кеткенде эм къайткъанда
Юрек титрей
мен онъа сѣз къаткъанда.
Эр кес киби адий къыз...
адий амма,
башкъалардан устюн о
менчюн дайма.
Оны севе-саялар,
урьметлейлер,
алгъышлайлар,
макътайлар —
Чсбер дейлер.
Фабрикада, тахтада
сюрети бар,
эр бир иште унери,

шурети бар.
Эм окъувда,
эм иште,
эм тертипте
акърапларын пешинден
алып кете,
Ферганада чалыша,
яшай о къыз —
Достлары чокъ янында,
дегилъ янгъыз.
къапумызынъ огюнден
эр кунъ кече
чокъ къызларынъ ичинде
оны сечем.

НЕ ИЧЮН?..

Не ичюн кельмейсинъ
сагъынгъанда бир, не ичюн?
Не ичюн къалмады
юректе сабыр, не ичюн?

Не ичюн къаршымда
Турмайсынъ сен, яр, не ичюн?
Не ичюн багъырымны
парчалайсынъ, яр, не ичюн?

Не ичюн корьгенде
Бир кульмейсинъ, не ичюн?
Не ичюн къадиримни
бильмейсинъ, яр, не ичюн?

Не ичюн бенъзейсинъ
Ай-кунешке, яр, не ичюн?
Не ичюн якъасынъ
атешинге, яр, не ичюн?

Не ичюн бет-сыманты
Корьмейим мен, яр, не ичюн?
Не ичюн олмасань.
Кульмейим мен, яр, не ичюн?

ДАРЫЛМА

Маалченъизден сийрек отьсем, дарылма,
озюм сени кыызгъанам мен аламден.
Янгъызым деп, кьараларгъа сарылма,
эшиг меним саф севгимни гилимден.

Сен йырласань, мен динълесем, ярашыр —
эм гузельсинь, эм назлысынь сен ярем.
Бет-сыманъа бакъкъан козьлер къамашыр,
сени севдим, ич вазгечмем, сёз берем.

Санъа бакъсам осс меним гонъюлим,
шербет тамлай сенинъ татлы тилинъден.
Никяр этмей шарап ичтим, гузелим,
сенинъ назик, сенинъ чебер элинъден.

Ватан гузель, севги гузель, яр гузель,
кель сенинънен отьсин бизим девраиклар.
Динъле мени эй, шырныкълы яр, динъле,
Мааллемизде олсун дюгюн сейранлар!

Е Л Д А Ш

Узун-узакъ ёллар бою
бир озюм
къыртышлардан —
иштен къайтам койиме.
Этрафымны сарып алгъан ер юзю —
кениш чёллер
сыр ачалар гонълюме.
Насыл кениш,
насыл мейдан бу чёллер,
кокюсимни сенилете
шенъ еллер.
Кенъ уфукътан явлукъ саллай
мор голлер,
гуя селям ёллай маъа
урь койлер.
Чочамийлер чырылдайлар тёпемде,
бизим джошкъун
йырымызны динъле дсп,
кунеш куле,
тамам башым устюнде.

джез табакъдай
парлап тура кенъ кокте.
Ойгъа далам:
Елда ёлдаш олмаса,
усанасынъ,
тарсыкъасынъ,
безесинъ...
Янъгъыз гонлюль
текрап сырдаш булмаса,
салыкъ башле
серсерийдай кезесинъ.

Мен истейим
достум олсун ёллашым —
мераметли, адалетли бир йигит.
Мен истейим
шаир олсун сырдашым —
чин юрекли, пак къаллили бир йигит

ТОКЪУМАДЖЫ КЪЫЗГЪА

Гъурурландым корип тезъа башында
чебер эллер аркетин, унерин.
Яш къыз эдинъ ондёрт-онбеш яшында
ФЗУда окъугъанда, Дилара.

Шуретинъни эшитдикче кельдим мен
унеринъни корип унер алмагъа.
Гъайретлисинъ, намуслысынъ, сездим мен,
эр бир ишинъ бунъа делиль, Дилара.

Тек сен дегиль, пекте сендай юзлеп бар,
мемлекетте миллионларнен тапылыр.
Токъумаджы эмегинъде шереп бар,
онен омур гузеллеше, Дилара.

Ярыкъ пекте тезъяларинъ тизильген,
бинълеп метр басма чыкъа элинъден.
Ишкирлигинъ, чеберлигинъ билиген,
акгранларгъа нумюнесинъ, Дилара.

Акъшам олса кечип рале артына
мий ёрасынъ назарнет устюнде.
Зорлукълардан зерре къадар тартылмай,
окъуй, ишлей эм огесинъ, Днляра.

КЪАРА КОЗЪЛЕРИНЪ

Чифте бенълер

эки къашынъ арасында,

севда олдым

козълеришънынъ къарасына.

Кель, мельэм ол

юрегимнинъ ярасына —

севем сени, севем сени, назлы дюльбер.

Бизим ичюн бу дюньяда

тек севги бар.

Сен олмасанъ, геджем къара

кунълерим тар,

кель, тенада

санъа дейджек сёзлерим бар —

севем сени, севем сени, ширин дюльбер.

Сенинъ ичюн азырым мен атешлерге,

Сенинъ иле кирерим мен курешлерге,

ич де къанмам сеннен

эр кунъ корюшсем де —

севем сени, севем сени, шайлы дюльбер.

МЕН СЕНИ УНУТМАМ

Чокъ кельдим къапунъа,
отурдым янынъа,
ред этме, быракъма,
севгимни, гузель!

Бакъ гузель козюме.
къан меним сёзюме,
сертийме, агълатма
гонълюмни, гузель!

Мен сени унутмам,
мен сени ынджитмам,
юрекке севгинънен
из салъан, гузель!

Мен сени быракъмам,
гонълюмни ич къырмам,
кунълерим сенинънен
нурланъан, гузель!

МЕНИ АСЛЫ АНЪАСЫНЪМЫ?

Акъшам устю
сокъакъ бойлап кезгенде,
гуль багъчадан
кырмазы гуль узгенде,
чечеклерден
гульчешберлер тизгенде
мени аслы анъасынъмы, Гульджан?

Багъчаларда
откенде шень бульбуллер,
янагынъны
сыйпагъанда шень еллер,
асретликтен
сызлагъанда гонюллер
мени аслы анъасынъмы, Гульджан?

Ай кявушуп
кенъ уфукъкъа баткъанда,

чолпан догъып
серии танълар аткъанда,
япрачыкълар
севги йыры айткъанда
мени аслы анъасынъмы, Гульджан?

КЕЛЬДИМ

Сени бир корьмеге кельдим,
гузеллигинъ эфсане дедилер.
Керчек экен сынадым, бильдим:
комюр кибн якъыджы бу козьлер.

Сенинънен субетке кельдим,
сесинъ баарь нагъмеси дедилер.
Керчек экен динъледим, кульдим:
юрск якъты атешли бу сёзлер.

Гузелим, бильмеге кельдим.
сени гъает гъурурлы дедилер.
Гъурурынъ яраша, корьдим —
Эр иште чебер экен бу эллер.

Бир джевал алмагъа кельдим,
бир корюште сыр бсрмез дедилер.
Ишана юрегим, кульдим —
бал-шербетдай бу тилеклер...

МАРТ ТАМЧЫЛАРЫ

Шень тамчылар сачакъларда
кумюш сыргъадай
серин ельден титреп турса,
сезгир юрек кокрегимде
ич тек туралмай —
чыкъмакъ истей,
кезмек истей эрюленип...
Кунеш нурун инджидайын
акс эттирип,
шеффаф тамчы
Зумрут далдан саркъып турса,
баарь исни
сезген юрек телексиреп,
чапаланып кокрегинде
эпкиш урса,
ким даяныр
рухланмайып,
йырламайып,
Шень гонъюльни
чин севгинен
сырламайып!

МАЙ ИСЛЕРИ

Серин апрель еллерин
тогъайлардан чёллерден
кетире май ислерин
узакъ, якъын иллерден.

Чёлъден ляле къумачы,
дагълардан наргуз иси,
къырдан бааръ къуванчы
багъчадан къушлар сеси.

Къапугъа Май кельгенде,
гонълюм къуванып юргенде
дейим:

— Кель, Май эвиме,
юрегиме, гонълюме!

КЕЛЬДИ БАЙРАМ

Телексиреп огълум аслы юкъламай,
чюнки энди босагъама басты Май —
темизлене,

кийимлерин азырлай, ~
кельди байрам,
кельди сейран,
кельди Май!

Кенъ сокъакълар
ал къумачкъа ортюльген,
шенъ садалар
эр тарафтан янъгъырай —
юреклерге шадлыкъ
нуру сепильген —
йырлы-сырлы зийнетленип
кельди Май!

Телексирей,
огълум аслы юкъламай,
кечеджекдай
гуя гедже танъ атмай.

Утюленс, темизленс
токътамай,
чюнки энди
пенджеремни къакъты Май!

ТАЛ

Пенджеремнинъ огюнде тал
такъты алтын купелерин.
Къарт сельбиге гуя бир дал
Янтайгъан да опе элин.

Билем, ярын тѣкер о тал
енъгиль алтын сыргъаларын.
Япракъларисн ортюлир тал,
юва олып торгъайларгъа.

Бугунъ исс, саба эрте
пенджеремни кенъ ачам мен.
Талнынъ иси серинлете,
тал теректен зевкъ алам мен.

Талпынъ назик пытагындан
салам сувгъа бирисини.
Онынъ тазе къокъусындан
ильхам догъа кокюсимде.

ГОЛЬ

Кичик бир голь
ешилъ тогъай ичинде,
чименликлер оськен онынъ четинде.
Зумруд даллар
сувгъа саркъып туралар,
сув устюнде туралар,
сув устюнде кольгеленип ойнайлар.
Балыкъчы да
къармагъыны далдыргъан
умют иле беклеп тура ялыда...
Бульбуль исе
татлы тюркю алдыргъан
баш устюнде
къарт эменнинъ далында.
Яшлар келип,
Сувда ялдай, кезелер,
Чименликте гуль-чечеклер узелер.
Ойнай, куле,
Бахт йырлары айталар,
Раатланып,
Эвлерине къайталар.

ЯПРАКЪЛАР

Мен сизни баарыде пек гузель корьдим,
ем-ешиль эдинъиз, тазе япракълар,
абайлап бугуньде багъчада юрдим,
сарарып кеткенсиз, не ичюн япракълар?

Бу дюнья девриле, омюрлер оте,
биз де шай къартайдыкъ,
достлар-акъранлар,
перчемлер агъарды, бильден кучь кете,
юреклер кене яш, айгиди девранлар...

Кусьме дост, табиаг къануны ойле,
Кузь кельсе тѣкюлир, эбет, япракълар.
Бизде чокъ тарихта къаладжакъ есишлер,
Баарыде кене де ешерир эр якълар.

СЕЛЪБИ

Мавы денъиз далгъалары алдында
юксек сельби эскен ельден саллана.
Зийнети бар тик дагъларнынъ къойнунда,
козь огюмде дюльбер левха джанлана.
Сельби оськен,

мавы кокке узангъан,
Япракълары серин ельден тепрене.
Куньдюз кунеш

къыздыргъанда эр заман
талдасында кельген-кечкен эглене.
Гузель ола —

айдын гедже Ай нуру
далгъаларнынъ аркъасына тѣкюльсе,
севдаларнынъ

татлы сефа, ашкъ сыры
сесли сельби кольгесинен ортюльсе.
Гузель ола —

серин ели танъ атып,
Айнынъ юксек
байырларгъа баткъаны,

кѳойы ешилъ ренкли
сельби сес кѳатып,
далгѳаларнен бирге
тюркю айткѳаны

МУНДЕРИДЖЕ

Ленинге	3
Ленин ёлунен	4
Ленин ве ГОЭЛРО	6
Коммунист	7
«Правда»ны окъуп	8
Улу Октябрь	9
Маяковскийнигъ хатрасына	11
Элли яшыгъ мубарек	13
Алтын эллер	15
Ватан сепнен, Ташкент	17
Биз дженкке кѳаршымыз	18
Оте йыллар...	19
Истегим	21
Осемиз	23
Юрек яш	25
Комсомолгѳа кирдим	27
Бир дженкчи акѳкъында баллада	29
Джесюр бир яш эди...	33
Бизим Аметхан	36
Достум эдингъ	38
Ел корюне, дедилер...	40
Кѳалемим меним	43

Вакъыт	43
Яз, шаир!	47
Шаир	49
Шиирлерим	50
Мавы танълар	51
Ташкент шиирлери	53
Чаравакъ теэссураатлары	56
Къадим шеър	57
Сув ве пур	59
Танъ къаршылап	60
Биз гъайретли яшлармыз	61
Янгы йилны хайырлап...	62
Мен чёллер огълуман	63
Баба елькесп	65
Фергъана кызы	67
Не нчюн?...	69
Дарылма	71
Елдаш	73
Токъумаджы кыызгъа	75
Къара козылеринъ	77
Мен сени унутмам	78
Мени аслы анъасынъмы?... . . .	80
Кельдим	82
Март тамчылары	83
Май ислери	84
Кельди байрам	85
Тал	87
Голь	89
Япракълар	90
Сельби	91

На крымско-татарском языке

Мефаев Амет

УТРЕННИЕ ВЕТРЫ

(стихи)

Редактор У. Эдгемова
Рисман А. Ахмеджанов
Рисмлер редакторы И. Цыганов
Техникий редактор Н. Джораева
Корректор Л. Дерменджи

Басмаханеге берилди 4.11.75 с. Басмагъа рухсет этилди 21.X.75 с.
Форматы 60X90^{1/4}. Басма габагы 4,0. Нешир габагы 2,05. Тира-
жы 1500. Р 61233. Глафур Гулам адина Эдебият и: санъат нешир-
яты. Ташкент Навоий сокъагы 30 шаргъама. 117-74.

Озбекстан ССР Министрлер Советининъ нешират, полиграфия ве
китап тиджарети ишлери буюмджа Девлет комитетининъ Ташкент
полиграф комбинатында азырлангъан матрицадан 1-иджи басмахане-
де №1 кыягыткъа басылды. Ташкент, Хамза сокъагы, 21. Сима-
рыш № 851 Фияты 24 к.

раев А.

Саарь эл ери. (Ширлер). Т., Гяф
адына эдебият ве санъат нешрияты, 1975. (1
96 б.

Бу джыйынтыкъкъа шаиримиз Амет Мефасанинъ чеш
миллер деваминда язгъан ширлерни кирестилди. Оларда у
дайимиз Ленинге, партиягъа, ана-Ватангъа олгъан севги, с
дакъат тасвирлене.

Мефасев А. Утренние ветры. Стихи.

С(Крым-Тат)2